


世說新補
四



世說新語補卷之九

賞譽上

陳仲舉嘗歎曰若周子居者真治國之器

汝南先賢

傳曰周乘字子居汝南安城人天資聰朗高峙嶽立非陳仲舉黃叔度之儔則不交也仲舉嘗

歎曰周子居者真治國之器也為泰山太守甚有惠政譬諸寶劍則世之

干將者吳越春秋曰吳王闔閭請干將采五山之精六

金之英候天地伺陰陽百神臨視而金鐵之精

未流夫妻乃剪髮及爪而投之鑪中金鐵乃濡

遂成二劍陽曰干將而作龜文陰曰莫邪而作

漫理干將匿其陽出其陰以獻闔閭闔閭甚寶

世目李元禮謾謾如勁松下風

李氏家傳曰膺

貴重華夏稱曰頴川李府君頴如王山汝南
陳仲舉軒軒如千里馬南陽朱公叔颺颺如行
松栢之下

或問范孟博郭林宗何如人范曰隱不違親貞
不絕俗天子不得臣諸侯不得友吾不知其他

范曄後漢書曰范滂字孟博汝南伊陽人少厲
清節舉孝廉登車攬轡有澄清天下之志後以
黨事繫獄詔遣中常侍王甫以次辯詰孟博越
次對曰臣聞仲尼之言見善如不及見惡如探
湯欲使善善同其清惡惡同其污謂王政之所
願聞不悟更以為黨甫問卿更相拔舉迭為唇
齒有不合者動見排斥其意云何孟博慷慨仰
天曰古之循善自求多福今之循善身陷大戮
身死之日願埋滂於首陽山側上不負
皇天下不愧夷齊甫愍然為之改容

補
脂元升以哭孔文舉尸魏太祖收欲治罪以其

事直見原元升後見太祖陳謝前愆太祖呼其

字曰元升卿故慷慨魚豢魏略曰脂習字元升

子西遷及詣許昌習常隨從與少府孔融親善

太祖為司空威德日盛融書疏倨傲習常責融

欲令改節融被誅時許中百官與融親善者莫

敢收恤習獨撫而哭之曰文舉卿舍我死我當

復與誰語者

公孫度目邴原所謂雲中白鶴非燕雀之網所

能羅也魏書曰度字叔濟襄平人累遷冀州刺

管朱虛人少孤數歲時過書舍而泣師問曰童

子何泣也原曰凡得學者有親也一則願其不

孤一則羨其得學中心感傷故泣耳師惻然曰

為欲學不須資也於是就業長則博覽洽聞金

王其行知世將亂避地遼東公孫度厚禮之中

國既寧欲還鄉里為度禁絕原密自治屢謂部

賞譽上

落曰多比近郡以觀其意皆曰樂移原舊有捕
魚大船請村落皆令熟醉因夜去之數日度乃
覺吏欲追之度曰郗君所謂雲中白鶴非鸚鵡
之網所能羅也魏王辟祭酒累遷五官中郎長
史

鍾士季目王安豐阿戎了了解人意王隱晉書曰戎少清

明曉
悟

補

曹子建七步成章世目為繡虎魏志曰陳思王植字子建文帝

同母弟也年十餘歲誦詩論及辭賦數萬言善
屬文太祖嘗視其文曰汝倩人邪植跪曰言出

為論下筆成章顧當面試奈何倩人時鄴銅雀
臺新成太祖悉將諸子登之使各為賦植援筆

立成可觀性簡易不治威儀輿馬服飾不尚華
麗每見難問應聲而答太祖寵愛之幾為太子

者數矣文帝即位封鄴城侯後徙雍丘復封東
阿植每求試不得而國亟遷易汲汲無懼年四

謝子微見許子將兄弟曰平輿之淵有二龍焉

見許子政弱冠之時歎曰若許子政者有幹國

之器正色忠蹇則陳仲舉之匹汝南先賢傳曰謝甄字子微汝

南邵陵人明識人倫雖郭林宗不及甄之鑒也

見許子將兄弟弱冠時則曰平輿之淵有二龍

仕為豫章從事許虔字子政平輿人體尚高潔

雅正寬亮謝子微見虔兄弟嘆曰若許子政者

幹國之器也虔弟劭聲未發時人以謂不如

虔虔恒拊髀稱劭自以為不及也釋褐為郡功

曹黜姦廢惡一郡肅然年三十五卒海內先賢

傳曰虔弟劭山峙淵停行應規表劭陵謝子微

高才遠識見劭十歲時歎曰此乃希世之偉人

也初劭拔樊子昭於市肆出虞承賢子客舍召

李叔才於無聞擢鄆子瑜於小吏廣陵徐孟本

來臨汝南聞劭高名召功曹時袁紹以公族為

賞譽上

漢陽長桑官還副車從騎將入郡界乃歎曰許
子將秉持清格豈可以吾輿服見之邪遂單馬
而歸辟公府掾敦辟皆不伐惡退不肖范孟博
就避地江南卒於豫章也

之風

補

管公明言與裴使君何鄧二尚書何晏劉太常

兄弟語使人神思清發昏不假寐自此以還殆

白日欲寢矣晉書曰劉寔字子真平原高唐人

博通古今清身潔已行無玷缺初鍾會鄧艾伐

蜀或問二將其平蜀乎寔曰破蜀必矣而甘不

還竟如其言寔以世多進趣廉遜道缺作崇讓

裴令公目夏侯太初肅肅如入廊廟中不修敬

而人自敬

禮記曰周豐謂魯哀公曰宗廟社稷之中未施敬而民自敬

一曰

如入宗廟琅琅但見禮樂器見鍾士季如觀武庫但觀矛戟見傳蘭碩江廡靡所不有見山巨源如登山臨下幽然深遠

羊公還洛郭奕為野王令

晉諸公贊曰奕字泰業太原陽曲人累世

舊族奕有才望歷雍州刺史尚書

羊至界遣人要之郭便自往

既見歎曰羊叔子何必減郭泰業復往羊許小悉還又歎曰羊叔子去人遠矣羊既去郭送之彌日一舉數百里遂以出境免官復歎曰羊叔子何必減顏子

山公目嵇叔夜巖巖如孤松之獨立

王戎目山巨源如璞玉渾金人皆欽其實莫知

名其器

顧愷之畫贊曰清無所標明淳深淵默入莫見其際而其器亦入道故見者莫

能稱謂而服其偉量

山公舉阮咸為吏部郎目曰清真寡欲萬物不

能移也

名士傳曰咸字仲容陳留人籍兄子也任達不拘當世皆惟其所為及與之處

少嗜欲哀樂至到過絕於人然後皆忘其向議為散騎侍郎山清舉為吏部武帝不用太原郭

奕見之心醉不覺歎服解音好酒以卒山清啓事曰吏部郎史曜出處缺當選清薦咸曰真素

寡欲深識清濁萬物不能移也若在官人之職必妙絕於時詔用陸亮晉陽秋曰咸行已多違

禮度清舉以為吏部郎世祖不許竹林七賢論曰山濤之舉阮咸固知上不能用蓋惜曠世之

偽莫識其意故耳夫以咸之所犯方外之意稱其清真寡欲則迹外之意自見耳

羊長和文字忘曰此字長和一名陶泰山平陽人

遷侍中永嘉五年遭亂被害年五十餘父繇與太傅枯同堂相善

仕至車騎掾蚤卒長和兄弟五人幼孤羊氏諱

堪甫泰山人祖續漢太尉不拜父秘京兆太守錄歷車騎掾娶樂國禎女生五子秉洽式亮此

也枯來哭見長和哀容舉止宛若成人廼歎曰

從兄不亡矣

補王戎目阮文業清倫有鑒識漢元以來未有此

人杜篤新書曰阮武字文業陳留尉氏人父譙

侍中武開達博通淵雅之士陳留志曰武總

未河清太守族子籍年總角未知名武見而偉

之以為勝已知人多此類著書十八篇謂之阮

子終於家郭泰友人宋子俊稱

泰自漢元以來未有林宗之匹

賞譽上

士

五

補

張茂先甚重成公簡

王隱晉書曰成公簡字宗奇東郡人

素不求榮利潛心味道固有人

嘗曰公簡清靜比

揚子雲

揚雄自叙曰雄為人簡易佚宕清淨無

廉隅以微名當世無擔石之儲晏如也自有大

默識擬張安世

班固漢書曰張安世字子孺少

精力於職休沐未嘗出上幸河東亡書三篋詔

問莫負知唯安世識之具述其事後以相校無

補

蔡司徒在洛見陸機兄弟住參佐廨中三間瓦

屋士龍住東頭士衡住西頭士龍為人文弱可

愛士衡長七尺餘聲作鍾聲言多忼慨

文士傳曰雲性

弘靜怡怡然為士友所宗機
清厲有風格為鄉黨所憚

庾子嵩目和嶠森森如千丈松雖磊砢有節目

施之大厦有棟梁之用晉諸公贊曰嶠嘗慕其舅夏侯玄為人故於朝

士中峨然不羣
時類憚其風節

補
王戎云太尉神姿高徹如瑤林瓊樹自然是風

塵外物名士傳曰夷甫天形奇特明秀若神八

吾行天下多矣未嘗見如此人當可活不養曰
彼晉三公不為我用勒曰雖然要不可加以鋒

習也夜使
推牆殺之

王汝南既除所生服遂停墓所兄子濟每來拜
墓略不過叔叔亦不候濟脫時過止寒溫而已

賞譽上

士苑甫乙

後聊試問近事答對甚有音辭出濟意外濟極
惋愕仍與語轉造精微濟先略無子姪之敬既
聞其言不覺慄然心形俱肅遂留共語彌日累
夜濟雖雋爽自視缺然乃喟然歎曰家有名士
三十年而不知濟去叔送至門濟從騎有一馬
絕難乘少能騎者濟聊問叔好騎乘不曰亦好
爾濟又使騎難乘馬叔姿形既妙回策如縈名
騎無以過之濟益歎其難測非復一事

鄧粲晉
紀曰王

湛字處沖太原人隱德人莫之知雖兄弟宗族
亦以為癡唯父祖異焉祖喪居墓次兄子濟往
省湛見牀頭有周易謂湛曰叔父用此何為頗
曾看不湛笑曰體中佳時脫復看耳今日當與

汝言因共談易剖析入微妙言奇趣濟所未聞
歎不能測濟性好馬而所乘馬駿駛意甚愛之
湛曰此雖小駛然力薄不堪苦近見督郵馬當
勝此但養不至耳濟取督郵馬穀食十數日與
湛試之湛未嘗乘馬卒然便馳騁步履不異於
濟而馬不相勝湛曰今直行車路何以別馬勝
不唯當就蟻封耳於是就蟻封
盤馬果倒踣其傷識天才乃爾既還渾問濟何
以暫行累日濟曰始得一叔渾問其故濟具歎
述如此渾曰何如我濟曰濟以上人武帝每見
濟輒以湛調之曰卿家癡叔死未濟常無以答
既而得叔後武帝又問如前濟曰臣叔不癡稱
其實美帝曰誰比濟曰山濤以下魏舒以上
陽

秋曰濟有入倫鑒識其雅俗是非少所優潤見
湛歎服其德宇時人謂湛上方山濤不足下比

魏舒有餘湛聞之曰欲以我處季孟之間乎王
隱晉書曰魏舒字子陽元任城人幼孤為外氏
家所養寧氏起宅相者曰當出貴甥外祖母意
以盛氏甥小而惠謂應相也舒曰當為外氏成
此宅相小名遲鈍叔父衡使守水碓每言舒堪
八百戶長我願畢矣舒不以介意身長八尺三
寸不修常入近事少工射著韋衣入山澤每獵
大獲為後將軍鍾毓長史毓與參佐射戲舒常
為坐畫籌後值朋人少以舒充數於是發無不
中加博措閑雅殆盡其妙毓歎謝之曰吾之不
足盡卿如此射矣轉相國參軍晉王每朝罷目
送之曰魏舒堂堂人之領袖累遷侍中司徒

於是顯名年二十八始宦

補世目鄧士載為伏鷺陸士龍為隱鵠

張華見褚陶語陸平原曰君兄弟龍躍雲津顧
彥先鳳鳴朝陽謂東南之寶已盡不意復見褚

生陸曰公未覩不鳴不躍者耳

褚氏家傳曰陶字季雅吳郡錢

塘入褚先生後也陶聰惠絕倫年十三作鷗鳥水磴二賦宛陵嚴仲弼見而奇之曰褚先生復

出矣弱不好弄清談閑默以墳典自娛語所親曰聖賢備在黃卷中舍此何求州郡辟不就吳

歸命世祖補臺郎建忠校尉司空張華與陶書曰二陸龍躍於江漢彥先鳳鳴於朝陽自此以

來常恐南金已盡而復得之於吾子故知延州之德不孤淵岱之寶不匱仕至中尉

衛叔寶是樂彥輔壻並有海內之名裴叔道嘗

稱之曰婦翁冰清女壻璧潤

有問秀才吳舊姓何如答曰吳府君聖王之老

成明時之雋又朱永長理物之至德清選之高

望嚴仲弼九臯之鳴鶴空谷之白駒顧彥先八

音之琴瑟五色之龍章張威伯歲寒之茂松幽

夜之逸光陸士衡士龍鴻鵠之裴徊懸鼓之待

植秀才蔡洪也集載洪與刺史周俊書曰一日侍坐言及吳士詢於芻蕘遂見下問造次承

顏載不舉勅令條列名狀退輒思之今稱疏所知吳展字士季下邳人忠足矯非清足厲俗

信可結神才堪幹世仕吳為廣州刺史吳郡太守吳平還下邳閉門自守不交賓客誠聖王之

老成明時之雋人也朱誕字永長吳郡人體履清和黃中通理吳朝舉賢良累遷議郎今歸在

家誠理物之至德清選之高望也吳郡人稟氣清純思度淵偉吳朝舉賢良宛陵

令吳平去職九臯之鳴鶴空谷之白駒也張暢字或伯吳郡人稟性堅明志行清朗居磨涅之

中無滯磷之損歲寒之凡此諸君以洪筆為鉏松栢幽夜之逸光也

耒以紙札為良田以玄默為稼穡以義理為豐

年以談論為英華以忠恕為珍寶著文章為錦
繡蘊五經為繒帛坐謙虛為席薦張義讓為帷
幕行仁義為室宇修道德為廣宅

按蔡所論士
十六人無陸

機兄弟又無凡此
諸君以下疑益之

衛伯玉為尚書令見樂廣與中朝名士談議奇
之曰自昔諸人沒已來嘗恐微言將絕今乃復
聞斯言於君矣命子弟造之曰此人人之水鏡
也見之若披雲霧觀青天

晉書曰衛瓘字伯玉
河東安邑人父凱魏

尚書瓘十歲喪父至孝過人
性貞靜有名理在位以任職
稱鄧艾鍾會伐蜀瓘以侍中持
節監艾會軍事晉陽秋曰尚書
令衛瓘見廣曰昔何平叔諸人
沒常謂清言盡矣今復聞之於
君王

隱晉書曰 薤與何晏鄧颺等數共談講見廣奇
之曰每見此人則瑩然猶廓雲霧而覩青天

人問王夷甫山巨源義理何如是誰輩王曰此

人初不肯以談自居然不讀老莊時聞其詠往

往與其旨合顧愷之畫贊曰濤有而不恃皆此類也

王太尉曰見裴令公精明朗然籠蓋人上非凡

識也若死而可作當與之同歸或云王戎語禮記

曰趙文子與叔譽觀于九原文子曰死者如可作也吾誰與歸鄭玄曰作起也

王夷甫自歎我與樂令談未嘗不覺我言為煩

晉陽秋曰樂廣善以約言厭人心其所不知默如也太尉王夷甫光祿大夫裴叔則能清言常

曰與樂君言覺其簡至吾等皆煩

王平子目太尉阿兄形似道而神鋒太儁太尉

答曰誠不如卿落落穆穆王隱晉書曰澄通朗

太傅府有三才劉慶孫長才晉陽秋曰太傅將

賊也近將汙入太傅疑而禦之興乃密視天下

水陸地形皆默識之是時軍國多事每會議事

自潘滔以下皆不知所對興便屈指籌計所發

兵伐處所糧庫運轉事無潘陽仲大才裴景聲

疑滯於是太傅遂委仗之清才長綜裴景聲

清才八王故事曰劉興才長綜裴景聲以博學

顯一府故時人稱曰興長才滔大才也

王夷甫語樂令名士無多人故當容平子知澄

別傳曰澄風韻邁達志氣不羣從兄戎兄夷甫

名冠當年四海人士一為澄所題目則二兄不

賞譽上世元甫乙

復措意云已經平子其見重如此是以名聞益盛天下知與不知莫不傾注澄後事迹不逮朝

野失望及舊遊識見者猶曰當今名士也

林下諸賢各有雋才子籍子渾器量弘曠世語曰渾

字長成清虛寡欲位至太子中庶子康子紹清遠雅正濤子簡踈

通高素虞預晉書曰簡子季倫平雅有父風與

咸子瞻虞夷有遠志瞻弟孚爽朗多所遺中

書曰孚風韻踈誕少有門風初為安秀子純悌

並令淑有清流竹林七賢論曰純字長悌位至

晉諸公贊曰洛陽敗戎子萬子有大成之風苗

而不秀晉諸公贊曰王綏字萬子辟太尉掾不

就年十九卒晉書曰戎子萬有美號

太肥我今食糠而肥愈甚也唯伶子無聞名士傳曰劉伶字

放蕩以宇宙為狹嘗乘鹿車携一壺酒使人荷插隨之云死便掘地以埋土木形骸遨遊一世

竹林七賢論曰伶處天地間悠悠蕩蕩無所用心嘗與俗士相悟其人攘袂而起欲必築之伶

和其色曰雞肋豈足以當尊拳其人不覺廢然而返未嘗措意文章終其世但著酒頌一篇而

已凡此諸子唯瞻為冠紹簡亦見重當世

司馬太傅府多名士一時雋異庾文康云見子

嵩在其中常自神王晉陽秋曰數為太傅從事中郎

太傅東海王鎮許昌以王安期為記室叅軍雅

相知重勅世子毗曰夫學之所益者淺體之所

安者深閑習禮度不如式瞻儀形諷味遺言不

如親承音旨王叅軍人倫之表汝其師之或曰

王趙鄧三叅軍人倫之表汝其師之謂安期鄧

伯道趙穆也

趙吳郡行狀曰穆字季子汲郡人真淑平粹才識清通歷尚書郎太

傳參軍太傅越與穆及王承阮瞻鄧攸書曰禮八歲出就外傳十年曰幼學明可以漸先王之

教也然學之所受者淺體之所安者深是以閑習禮度不如式瞻軌儀諷味遺言不如親承辭

旨小兒毗既無令淑之資未聞道德之風欲屈諸君時以閑豫周旋燕誨也穆歷晉明帝師冠

軍將軍吳郡太守封南鄉侯袁宏作名士傳直云王叅軍或

云趙家先猶有此本

庾太尉少為王眉子所知庾過江歎王曰庇其

宇下使人忘寒暑

晉諸公贊曰玄少希慕簡曠公王故事曰玄為陳留太守

或勸玄過江接瑯琊王玄曰王處仲得志於彼家故猶不免害豈能容我謂其器宇不容於敦也

王公目太尉巖巖清峙壁立千仞

顧愷之夷甫畫贊曰夷甫

天形環特識者以為巖巖秀峙壁立千仞

王長史是庾子躬外孫

王氏譜曰濂父訥娶穎川庾琮之女字三壽也

丞相目子躬云入理泓然我已上人

子躬子嵩兄也晉書

曰庾琮字子躬穎川人太常峻第二子仕至太尉掾

庾子躬有廢疾甚知名家在城西號曰城西公

府

補

周弼

晉紀曰弼咸寧中為御史中丞

稱裴逸民若武庫五兵縱

賞譽上

士元

二

橫甚淵博惠帝起居注曰顧理

謝幼輿曰友人王眉子清通簡暢嵇延祖弘雅

劭長董仲道卓犖有致度王隱晉書曰董養字

千祿求榮永嘉中洛城東北角步廣里中地陷

中有二鵝蒼者飛去白者不能飛問之博識者

不能知養聞歎曰昔周時所盟會狄泉此地也

卒有二鵝蒼者胡象後胡當入洛白者不能飛

此國諱也謝鯤元化論序曰陳留董仲道於元

康中見惠帝廢楊悼后升太學堂嘆曰建此堂

也將何為乎每見國家赦書謀反逆皆赦孫殺

祖父母子殺父母不赦以為王法所不容也奈

何公卿處議文飾禮典以至此乎天人理既

滅大亂斯起顧謂謝鯤阮孚曰易稱知幾其神

乎君等可深藏矣乃與妻

荷擔入蜀莫知其所以終

周侯於荊州敗績還未得用王丞相與人書曰

雅流弘器何可得遺

鄧粲晉紀曰顓為荊州始

蜀賊顓狼狽失據陶侃救之得免顓至武昌投王敦敦更選侃代顓顓還建康未即得用也

劉琨稱祖車騎為朗詣曰少為王敦所歎

虞預

日遜字士雅范陽道人豁蕩不修儀檢輕財好施晉陽秋曰遜與司空劉琨俱以雄豪著名年

二十四與琨同辟司州主簿情好綢繆共被而寢中夜聞鷄鳴俱起曰此非惡聲也每語世事

則中宵起坐相謂曰若四海鼎沸豪傑共起吾與足下相避中原耳為汝南太守值京師傾覆

率流民數百家南渡行達泗口安東板為徐州刺史遜既有豪才常慨慨以中原為己任乃說

中宗雪復神州之計拜為豫州刺史使自招募遜遂率部曲百餘家北渡江誓曰祖遜若不清

中原而復濟此者有如大江攻城略地招懷義士屢摧石虎虎不敢復闕河南石勒為遜母墓

置守吏劉琨與親舊書曰吾枕戈待旦有志集逆虜常恐祖生先吾箸鞭耳會其病卒先有妖星

見豫州分選曰此必為我也天未欲滅寇故耳贈車騎將軍

庾太尉目中郎神氣融散差如得上晉陽秋曰

放莫有動其聽者

時入目庾中郎善於託大長於自藏名士傳曰

任未嘗以事自嬰從容博暢寄通而已是時天下多故機事屢起有為者接奇吐異而禍福繼

之數常默然故憂喜不至也

王平子邁世有雋才少所推服每聞衛玠言輒

歎息絕倒玠別傳曰玠少有名理善通莊老每聞

玠之語議至于理會之間要妙之際輒絕倒於

坐前後三聞為之三倒時人遂曰衛君談道平

倒

時人欲題目高坐而未能桓廷尉

桓彞桓溫之父桓彞別傳

曰彞字茂倫譙國龍亢人漢五更桓榮十世孫也父穎有高名葬少孫識鑒明朗避亂渡江累

遷嚴騎常侍

以問周侯周侯曰可謂卓朗桓公曰精

神淵箸

高坐傳曰庾亮周顗桓彞一代名士一

未得有云尸利密可稱卓朗於是桓始各嗟以

為標之極似宣武嘗云少見和尚稱其精神淵

箸當年出倫其為名士所歎如此王敦為大將軍鎮豫章衛玠避亂從洛投敦相

見欣然談話彌日于時謝鯤為長史敦謂鯤曰

不意永嘉之中復聞正始之音阿平若在當復

絕倒

玠別傳曰玠至武昌見王敦敦與之談論

聲於中朝此子今復王振於江表微言之緒絕而復續不悟永嘉之中復聞正始之音阿平若在當復絕倒

王平子與人書稱其兒風氣日上足散人懷永

流人名曰澄第四子微澄別傳曰微邁上有父風

殷中軍道右軍清鑒貴要晉安帝紀曰義之風骨清舉也

何次道嘗送東人瞻望見賈寧在後輪中曰此

人不死終為諸侯上客晉陽秋曰寧字建寧長樂人賈氏孽子也初自

結於王應諸葛瑤應敗浮遊吳會吳人咸侮辱之聞京師亂馳出投蘇峻峻甚驕之以為謀主

及峻聞義軍起自姑孰屯于石頭是寧之計峻敗先降仕至新安太守

謝公稱藍田掇皮皆真徐廣晉紀曰述真審真意不顯

阮光祿云王家有三年少右軍安期長豫中興書曰

王悅字長豫丞相導子也仕至中書侍郎

胡毋彥國吐言如屑後進領袖言談之流靡靡如解木出

也

王丞相云刁玄亮之察察戴若思之巖巖虞預書

日戴儼字若思廣陵人才義辭濟有風標鋒穎累遷征西將軍為三敦所害贈左光祿大夫儀

同三卞望之之峰距卞壺別傳曰壺字望之濟陰宛句人父粹太常卿壺

少以貴正見稱累遷御史中丞權門屏迹轉領軍尚書令蘇峻作亂率眾距戰父子二人俱死

王難鄧粲晉紀曰初咸和中貴遊子弟能談嘲者慕王平子謝幼輿等為達壺屬色於朝曰恃

禮傷教罪莫斯甚中朝傾覆實由於此欲奏治之王導庾亮不從乃止其後皆折節為名士語

林曰孔坦為侍中密啓成帝不宜往拜曹夫人
丞相聞之曰王茂弘驚病耳若下望之之巖巖
刁玄亮之察察戴若思之峯距當敢
爾不此言殊有由緒故聊載之耳

大將軍語右軍汝是我佳子弟按王氏譜義之

當不減阮主簿中興書曰阮裕少有德行王敦

之心縱酒昏酣不綜其事

世目周侯疑如斷山晉陽秋曰顗正情疑然雖

何次道往丞相許丞相以麈尾指坐呼何共坐

曰来来此是君坐晉陽秋曰充導妻姊之子明

有文義才情導深器之由是少有美譽遂歷顯

諺曰楊州獨步王文度後來出人郝嘉賓續晉

陽秋

曰超少有才氣越世負俗不循常檢時人為一代盛譽者語曰大才槃槃謝家安江東獨步王文度盛德日新都嘉賓其語小異

謝太傅云小時在殿廷會見王丞相便覺清風來拂人

謝公云長史語甚不多可謂有令音

王濛別傳曰濛性

暢能清言談道貴理中簡而有會商略古賢顯默之際辭旨勸令往往自高致

殷允出西郗超與袁虎書云子思求良朋託好

足下勿以開美求之

中興書曰允字子思陳郡太常康第六子恭素謙

退有儒者之風

世目袁為開美故子敬詩曰袁

生開美度

賞譽上

世說新語

卷六

世稱荀子秀出阿興清和阿興王蘊小字也蘊別見

林公云王敬仁是超悟人

王丞相拜司徒而歎曰劉王喬若過江我不獨

拜公曹嘉之晉紀曰疇有重名永嘉中為閬中太守所害司徒蔡謨每歎曰若使劉王喬得南

渡司徒公之美選也

謝鎮西稱羅君章可謂湘中之琳琅含別傳曰或有人言

羅君章可謂荆楚之杞梓桓大司馬曰此自江左之秀豈唯荆楚而已

簡文目敬豫為朗豫晉書曰王恬字敬豫導次子也少卓犖不羈疾學尚

武不為導所重至中軍將軍多才藝善隸書與濟陽江勸以善奕聞文字志曰恬識理明貴為

後進冠冕也

庾公為護軍屬桓廷尉覓一佳吏乃經年桓後

遇見徐寧而知之遂致於庾公曰人所應有其

不必有人所應無已不必無真海岱清士徐江

事曰徐寧字安期東海郯人通朗有德素少知名初為輿縣令譙國桓彝有人倫鑒識嘗去職

無事至廣陵尋親舊遇風停浦中累日在船憂邑上岸消遙見一空宇有似廨署彝訪之云輿

縣廨也令姓徐名寧彝既獨行思逢悟賞聊造之寧清惠博涉相遇怡然遂停宿因留數夕與

寧結交而別至都謂更亮曰吾謂卿得一佳吏部郎亮問所在彝即叙之累遷吏部郎左將軍

江州刺史

劉萬安即道真從子

晉百官名曰實字道真高平人晉書曰實嘗為徒扶

風王駿以五百疋布贖之用為從事中郎庾公也所謂灼然王舉又

云千人亦見百人亦見

劉氏譜曰綏字萬安高平人祖奧太祝令父斌

著作郎綏歷驃騎長史

桓茂倫云褚季野皮裏陽秋謂其裁中也

晉陽秋曰

袁簡穆有器識故為彝所目也

支道林談善標宗會而章句或有所遺時為守

文者所陋謝太傅聞而善之曰此乃九方歎之

相馬略其玄黃取其駿逸

列子曰秦穆公謂伯樂曰子之年長矣子

姓有可使求馬乎伯樂對曰良馬可以形容筋骨相也天下之馬者若滅若沒若亡若失臣之

子皆下才也臣有所與九方臯其相馬非臣之比也穆公見之使行求馬三月而反報曰已得

之在沙丘穆公曰何馬對曰牝而黃使入往取之牡而驪公不悅召伯樂曰敗矣子之所使求

為者色物此壯弗能知又何馬之能知也伯樂
曰若臯之所觀天機也得其精而忘其麤在其
內而忘其外馬至
果天下之良馬也

世稱庾文康為豐年玉穉恭為荒年穀謂亮有
廟之
器翼有用也
才各有用也
庾家論云是文康稱恭為荒年

穀庾長仁為豐年玉中興書曰庾統字長仁穎
川人衛將軍懌子也少有

今名仕至
潯陽太守

世目杜弘治標鮮晉陽秋曰杜弘字弘治京兆
人祖預父錫有譽前朝弘少

有令名仕丹陽丞早卒成帝納弘女
為后江左名士傳曰弘清標令士也季野穆少

謝太傅未冠始出西詣王長史清言良久去後

荀子問曰向客何如尊長史曰向客亶亶為來

逼人

王右軍語劉尹故當共推安石劉尹曰若安石

東山志立當與天下共推之

續晉陽秋曰初安石家於會稽上虞縣

優游山林六七年間徵召不至雖彈奏相屬繼以禁錮而晏然不屑也

桓溫行經王敦墓邊過望之云可兒可兒

孫綽與庾

亮歲日三數可人之目數十年間也

補

王長史問孫興公郭子玄定何如孫曰詞致清

雅奕奕有餘吐章陳文如懸河瀉水注而不竭

補

孫興公云庾太尉雅好所托常在塵埃之外雖

柔心應世蠅屈其迹而方寸湛然固以玄對山

水

王仲祖稱殷淵源非以長勝人處長亦勝人晉陽

秋曰浩善以通和接物也

補

王司州與殷中軍語歎云已之府奧蚤已傾寫

而見殷陳勢浩汗衆源未可得測徐廣晉紀曰浩清言妙辯

玄致當時名流皆為之美譽

王長史道江道羣人可應有乃不必有人可應

無已必無中興書曰江灌字道羣陳留人僕射

仕尚書中護軍

王仲祖劉真長造殷中軍談談竟俱載去劉謂

賞譽上

世說新語

乙

世說新語

卷之六

王曰淵源真可王曰卿故墮其雲霧中

中興書曰浩能

言理談論精微長於老易故風流者皆宗歸之

劉尹每稱王長史云性至通而自然有節

濠別傳曰

濠之交物虛已納善恕而後行希見其喜愠之色凡與一面莫不敬而愛之然少孫事諸母甚

謹篤義穆後不修小潔以清貧見稱

王右軍道謝萬石在林澤中為自道上歎林公

器朗神雋

支遁別傳曰遁任心獨往風期高亮

道祖士少風領

骨恐沒世不復見如此人道劉真長標雲柯而

不扶疎

劉尹別傳曰悅既令望姻婭帝室故屢居達官然性不偶俗心淡榮利雖身登

顯列而每挹降閑靜自守而已

簡文目庾赤玉

庾統小字

省率治除謝仁祖云庾赤

玉曾中無宿物

殷中軍道韓太常曰康伯少自標置居然是出

羣器及其發言遣辭徃徃有情致

續晉陽秋曰康伯清和有

思理勿為舅殷浩所稱

簡文道王懷祖才既不長於榮利又不淡直以

真率少許便足對人多多許

晉陽秋曰述少貧約簞瓢陋巷不求

聞達由是為有識所重

林公謂王右軍云長史作數百語無非德音如

恨不苦

苦謂窮人以辭

王曰長史自不欲苦物

殷中軍與人書道謝萬文理轉道成殊不易中興

書曰萬才器偽秀善自銜曜故致有時譽無善屬文能談論時人稱之

王長史云江思悛思懷所通不翅儒域徐廣晉紀曰江

悛字思悛陳留人僕射弟也性篤學手不釋書博覽墳典儒道無綜微聘無所就年四十九

而卒

許玄度送母始出都人問劉尹玄度定稱所聞

不劉曰才情過於所聞許氏譜曰玄度母華歆女也按詢集詢出都迎

姊於路賦詩續晉陽秋亦然而此言送母疑謬矣

謝公道豫章若遇七賢必自把臂入林江左名士傳曰

鯁通簡有識不修威儀好迹逸而心整形濁而
言清居身若穢動不累高隣家有女嘗往挑之

女方織以梭投折其兩齒既歸傲然長
肅曰猶不廢我肅歌其不事形骸如此

正長史歎林公尋微之功不減輔嗣支遁別傳

警悟清識玄遠嘗至京師王仲祖稱其造微之功不異王弼

謝太傅為桓公司馬續晉陽秋曰初安優游山

在西藩欽其盛名諷朝廷請為司馬以世道未夷志存匡濟年四十起家應務也桓詣

謝值謝梳頭遽取衣幘桓公云何煩此因下共

語至暝既去謂左右曰頗曾見如此人不

世目謝尚為令達阮遥集云清暢似達或云尚

自然令上晉陽秋曰尚率易挺達超悟今上也

孫興公為庾公參軍共遊白石山衛君長在坐

衛氏譜曰永字君長成陽人位至左軍長史

孫曰此子神情都不關

山水而能作文庾公曰衛風韻雖不及卿諸人

傾倒處亦不近孫遂沐浴此言

王右軍目陳玄伯壘塊有正骨

王長史云劉尹知我勝我自知

濠別傳曰濠與沛國劉惔齊名

時人以濠比袁曜卿惔比荀奉倩而共交友甚相知賞也

王劉聽林公講王語劉曰向高坐者故是凶物

復東聽王又曰自是鉢釵後王何人也

高逸門傳曰

王濛恒尋通遇祇洹寺中講正在高坐上每舉麈尾常領數百言而情理俱暢預坐百餘人皆

結舌注耳濛云聽講衆僧向高坐者是鉢釵後王何人也

許玄度言琴賦

琴賦也

所謂非至精者不能與

之析理劉尹其人非淵靜者不能與之閑止簡

文其人

魏隱兄弟少有學義

魏氏譜曰隱字安時會稽上虞人歷義興太守御史

中丞弟過黃門郎

總角詣謝奉奉與語大悅之曰大宗

雖衰魏氏已復有人

簡文云淵源語不超詣簡至然經綸思尋處故

有局陳

桓公語嘉賓阿源

殷浩也

有德有言向使作令僕

足以儀刑百揆朝廷用還其才耳

簡文語嘉賓劉尹語末後亦小異回復其言亦
乃無過

王右軍道東陽我家阿林章清太出

林應為臨
王氏譜曰

臨之子仲產瑯琊人僕射
鬼之子仕至東陽太守

補庾太尉目庾中郎家從談談之許

名士傳曰數
不為辨析之

談而舉其旨要太尉
王夷甫雅重之也

世說新語補卷之九

世說新語補卷之十

賞譽下

王長史與劉尹書道淵源觸事長易

謝中郎云王修載樂託之性出自門風

王氏譜曰耆之

字修載瑯琊人荊州刺史虞第三子歷中書郎鄱陽太守給事中

謝太傅稱王修齡曰司州可與林澤遊

王胡之別傳曰

胡之常遺世務以高尚為情與謝安相善也

人問王長史江廩兄弟羣從王答曰諸江皆復

足自生活

廩及弟淳從灌並有德行知名於世

謝太傅道安北見之乃不使人厭然出戶去不

復使人思

安北王坦之也續晉陽秋曰謝安初

好聲律然抑之以禮在哀能至弟萬之喪不聽

絲竹者將十年及輔政而修室第園館麗車服

雖暮切之燦不廢妓樂王坦之因苦諫焉按謝

公蓋以王坦之好直言故不思耳○小人之腹

謝公云司州造勝通决宋明帝文章志曰胡

劉尹云見何次道飲酒使人欲傾家釀充飲酒

謝太傳語真長阿齡胡之小於此事故欲太厲

劉曰亦名士之高操者胡之別傳曰胡之治

謝鎮西道敬仁文學鏃鏃無能不新仁語林曰敬

時賢皆重之王右軍在郡迎敬仁叔仁輒同車

常惡其遲發以馬迎敬仁雖復風雨亦不以車

也

劉尹道江道羣不能言而能不言

簡文云劉尹茗柯有實理

柯一作柯又作打

謝公與王右軍書曰敬和棲託好佳

中興書曰王洽字敬

和導第三子於公子中最知名與潁川荀羨俱有羨稱累遷吳郡內史為士民所懷徵拜中領

軍尋加中書令不拜立二十六而卒

謝公語王孝伯君家藍田舉體無常人事

按述雖簡

而性不寬裕投火怒蠅方之未甚若非太傅虛相褒辭則世說謬設斯語也

許掾嘗詣簡文爾夜風恬月朗乃共作曲室中

語襟情之詠偏是許之所長辭寄清婉有逾平

日簡文雖契素此遇尤相咨嗟不覺造膝共又

手語達于將旦既而曰玄度才情故未易多有

許續晉陽秋曰詢能言理曾出都迎姊簡文皇帝劉真長談其情旨及襟懷之詠每造膝賞

對夜以繫日

謝車騎問謝公真長性至峭何足乃重答曰是

不見耳阿見子敬尚使人不能已語林曰羊麟因酒醉撫謝

左軍謂太傅曰此家詎復後鎮西太傅曰汝阿見子敬便沐浴為論兄輩推此言意則安以玄

不見真長故不重耳見子敬尚重之况真長乎

謝公領中書監王東亭有事應同上省王後至

坐促王謝雖不通太傅猶歛膝容之王謝不通事別見

王神意閒暢謝公傾目還謂劉夫人曰向見阿

瓜故自未易有

按王珣小字法護而此言阿雖瓜未為可解儻小名有兩耳

不相關正是使人不能已已

王子敬語謝公公故蕭灑謝曰身不蕭灑君道

身景得身正自調暢

續晉陽秋曰安弘雅有氣風神調暢也

世目王荀子曰流奕清舉

文宇志曰修明秀有美稱

謝車騎初見王文度曰見文度雖蕭灑相遇其

復惛惛竟夕

子敬與子猷書道兄伯蕭索寡會遇酒則酣暢

忘反乃自可矜

王恭始與王建武

晉安帝紀曰此初作荆州刺史後為建武將軍

甚有

情後遇袁悅

別

之間遂致疑隙

晉安帝紀曰初

相善齊聲見稱及並登朝俱為主相相待內外

始有不咸之論恭獨深憂之乃告悅曰悠悠之

論頗有異同當由驃騎簡於朝觀故也將無從

容切言之耶若主相諧睦吾徒得勁力明時復

何憂哉悅以為然而慮弗見令乃令袁悅具言

之悅每欲間恭乃於王坐責議恭曰卿何妄生

同異疑誤朝野其言切屬恭雖悅懷諸悅為構

已也悅雖心不負恭而無以自亮於是情好大

離而怨然每至興會故有相思時恭嘗行散至

京口射堂于時清露晨流新桐初引恭目之曰

王大故自濯濯

司馬太傅為二王目曰孝伯亭亭直上阿大羅

羅清踈

恭正亮沉烈
悅通朗誕放

王恭有清辭簡旨能叙說而讀書少頗有重出

中興書曰恭雖才不多而清辯過人有人道孝伯常有新意不覺

為煩

殷仲堪喪後桓玄問仲文卿家仲堪定是何似

人仲文曰雖不能休明一世足以映徹九泉晉續

陽秋曰仲堪仲文之從兄也少有美譽

補

謝叔源與從子靈運並有美名時人謂叔源風

韻為高目望蔡肅如寒風振松叔源襲爵望蔡侯目康

樂凜凜如霜臺龍日臧榮緒晉書曰謝混字叔源陳郡人司空琰少子也

少有美譽善屬文為尚書左僕射以黨劉毅誅

貢譽下

補

王令明素不與謝靈運相識嘗得一交言靈運

辯博辭義鋒起令明時然後言時荀伯子在坐

退而告人曰靈運固自蕭散直上王郎如萬頃

陂沈約宋書曰荀伯子潁川潁陰人祖羨驃騎將軍父倚秘書郎伯子少好學博覽經傳而

通率好戲遨遊閭里故失清塗解褐駙馬都尉仕至東陽太守

補

宋世為之語曰王光祿如屏風屈曲從俗能蔽

風露南史曰王遠字景舒太保弘弟光祿大夫孺之子也仕至光祿勳

補

王僧祐少便聰悟南史曰王僧祐字胤宗瑯琊人父遠光祿勳僧祐雅博古

善老莊不尚繁華工草隸善鼓琴亭然獨立不交當世自天子至侯伯未嘗與一人遊卒於黃

郎門叔父景玄撫其首曰兒神明意用當不作率

爾人

王智深宋記曰王微字景玄太保弘之弟

才除右軍諮議微素無官情微不就

補

王瓚之歷官五兵尚書未嘗詣一朝貴

南史曰

敬弘子也官吏部尚書謚貞子江湛南史曰江湛字微深濟陽

喪以孝聞愛文義善彈琴鼓琴為彭城王主簿司空檀道濟為子求娶湛妹不許義康有命又

不從時人重其立志所畜牛餓御人求草湛良久曰可與飲在選頗有刻覈之譏而公平無私

論者稱焉謂何偃曰王瓚之今便是朝隱

宋書曰何

偃字仲弘廬江瀟人司空尚之中子舉秀才除中軍參軍歷官吏部尚書

補

益州獻蜀柳數株枝條甚長狀若絲縷武帝植

於太昌雲和殿前嘗嗟賞之曰楊柳風流可愛

賞譽下

世說新語

五

似張緒當年

補

袁尹在郡

也

嘗於後堂夜集劉祭酒在坐劉是

真長六世孫袁指庭中柳樹謂劉曰人謂此是

劉尹時樹每想高風今復見卿可謂清德不衰

吳均齊春秋曰劉瓛字子圭沛國相人晉丹陽尹悅六世孫也五歲聞舅孔昭先讀管寧傳欣

然更請讀因聽受曰可及此耳

補

褚司徒

也

嘗集袁粲舍初秋涼夕風月甚美彥

回援琴奏別鶴之曲宮商既調風神諧暢王或

謝莊並在坐歎曰以無累之神合有道之器宮

商暫離不可得已

崔豹古今注曰別鶴操商陵牧子所作琴譜曰琴曲有四

大曲別鶴
操其一也

袁尹見江叔文歎曰風流不墜政在江郎

南史曰江

數字叔文濟陽考城人祖夷右僕射父湛吏部尚書數母宋文帝女淮陽長公主幼以戚屬召

見孝武謂謝莊曰此小兒方當為名器少有美譽尚孝武女臨汝公主拜駙馬都尉為丹陽丞

謝參軍

超宗也

一日詣東府門自通爾時風寒慘

厲太祖謂四座曰此客至使人不衣自煖

世目何散騎曰人中爽爽何子朗

何點嘗目陸慧曉心如明鏡遇形觸物無不朗

然何思遠常如懷冰暑月亦有霜氣

南史曰何點字子皙

廬江人祖尚之父鑠點十一居父母憂幾至滅性及長感家禍遂絕婚宦宋徵太子洗馬梁徵

賞譽下

世說卷十

六

中書侍郎
並不就

釋慧亮過江止何園寺

梁慧皎高僧傳曰慧亮姓董先為宋阿靖公弟

子後立寺於臨菑講法華大小顏延之張緒眷品十地等學徒雲集千里命駕

德留連每歎曰安汰吐珠玉於前

道安坐斌亮

振金聲於後清言妙緒將絕復興

高僧傳曰釋曇斌姓蘇南

陽人十歲出家事道禪為師後住江陵辛寺表舉請為母師

劉孝標

劉孝標自序曰峻字孝標平原人牛於

身充僕圍永明四年逃還京師後為崔豫州刑獄參軍天監中詔掌石渠閣以病乞骸骨隱東

陽金華山余嘗自比焉敬通而有同之者三異

及之而節亮慷慨此一同也敬通逢中興明君而然不試用余逢命世英主亦擯斥當年此二

同也敬通有忌妻至於身操井臼余有悍室亦
令家道鹹軻此三同也敬通當更始世手握兵
符躍馬肉食余自少迄長戚戚無懼此一異也
敬通有子仲文官成名立余禍同伯道永無血
胤此二異也敬通膂力剛強老而益壯余有犬
馬之疾溘死無時此三異也敬通雖芝殘蕙焚
終真溝壑而為名賢所慕其風流郁烈芬芳久
而彌盛余聲塵寂寞世不吾知魂魄一去將同
秋草此四異也所以力目劉訐超然越俗如半
自為序遺之好事云

天末霞
何佟之梁典曰劉訐字彥度平原人與陳留阮孚李紳申金蘭之契築室鍾阜

之傍共聽內**劉歊矯矯出塵如雲中白鶴**
梁書

義鑽尋典與**劉歊矯矯出塵如雲中白鶴**
梁書

歊字士光劉懷慰之子生夕有香氣滿室幼有識慧十二讀莊子逍遙篇曰此可解耳客問之

隨問而答皆有情理家人異之謂為神童及長博學有文不娶不仕與族弟訐隱居求志遨遊

林澤以山水書簪**皆儉歲之梁擢寒年之纖纈**

相娛謚貞節處士

周彥倫

南齊書曰周顒字彥倫汝南安城人晉

歸鄉相顒少為族祖朗所知清貧寡欲終日常蔬食雖有妻子獨處山舍解褐海陵國侍郎轉

著作撰起居注目慧隆道人曰隆公蕭散森踈若霜下

之松竹

高僧傳曰釋慧隆姓成陽平人學無師友卓然自悟

劉長史幼聰敏善屬文

南史曰劉孝綽字孝綽本名丹幼聰敏七歲能

屬文舅王融深賞異之與同載以適親友王中

書融深賞異之嘗歎曰天下文章若無我當歸

阿士

孝綽小字

衛尉趙知禮見袁德章少時歎曰袁生舉止詳

中

南史曰袁憲字德章幼聰敏好學梁武帝開五館其一館在憲宅西憲招引諸生與之談

補

論新義出入意表同輩咸嗟服焉武帝撰孔子
正言章句詔下國學憲十四被召為正言生祭
酒劉溉愛其神采博士周弘正謂憲父君正曰
賢子欲策試不君正曰未敢令試居數日君正
遣門客與憲候弘正會弘正將升講坐近憲入
室授以麈尾令憲豎義時謝岐何妥在坐弘正
曰二賢雖窮奧贖得無憚此後生何謝遽起義
端深極理致憲酬對閒敏弘正謂妥曰恣卿所
問勿以童幼期之時觀者重沓憲神色自若辨
論有餘弘正亦起數難終不能屈因告客曰卿
還諮袁吳郡此郎故有陳汝之風出氏族志曰袁
己堪見代博士矣
陳留汝南
彭城三望

陳後主有玉柄麈尾至佳手執之曰當今雖復

多士如林堪執此者獨張譏耳即授譏陳書曰後主諱

叔寶宣帝嫡長子在
位七年為隋所滅

貴譽下
世說新語

補

崔司徒

北史曰浩字伯深清河東武城人父宏仕魏拜天部大人進爵為公浩少好學

經史玄象陰陽百家之言無不該覽明元好術數命浩筮吉凶叅觀天文考定疑惑多有應驗

性不好老莊之書不長屬文而留心於制度科律纖妍白哲如美婦人長於謀計自比張良謂

摯古過之初拜博士祭酒至特進撫軍大將軍左光祿大夫每與盧玄談輒

歎曰對子真使我懷古之情更深

北史曰盧玄字子真范陽

涿人曾祖譚晉司空從事中郎祖偃父邈仕慕容氏俱以儒雅稱神龜四年太后辟召儒儔以

玄為首授中書博士遷侍郎崔浩欲整入倫分

明姓族玄曰創制立事各有其時樂為此者詎

幾人也宜三思浩不納後終以此敗

補

劉子翼峭直有行

大業雜記曰劉子翼字小心劉緯之父仕隋至著作郎

常面折僚友之短退無餘訾李百藥嘗語人曰

劉四雖復罵人入多不憾宋祁唐書曰李百藥

隋內史令德林子也七歲能屬文貞觀初拜中書舍人官至散騎常侍

補太宗嘗出行有司請載副書以從上曰不須虞

世南在此行秘書劉昫唐書曰虞世南字伯施

庶子叔父寄無子以世南終後性沉靜寡欲篤志勤學少與兄世基學於顧野王經十餘年精

思不倦或累旬不盥擗善屬文祖述徐陵陵亦言世南得已之意又沙門智永善義之書世南

師焉妙得其體由是聲名藉甚太宗朝官秘書監爵永興縣子

補太宗征遼東太宗紀曰貞觀十八年命英國公

五月車駕度遼親率鐵騎圍遼城高麗別將高延壽以其衆降因名所幸山為駐蹕山刻石紀

功拜楊弘禮為兵部侍郎唐書曰楊弘禮隋尚

書譽下世說補十

祖受禪襲爵清河郡公太宗征遼以弘禮
有文武材擢兵部侍郎專典兵機之務
馬蹕

之役領馬步二十四軍跳出賊背所向摧靡帝

自山上望見其袍仗精整人人盡力歎曰越公

兒郎故有家風
隋書曰楊素無文武之資志懷遠大以功名自許高祖龍飛功

臣莫居其右封越國公

補
玄宗嘗早朝謂左右曰每見張九齡精神頓生

劉昫唐書曰張九齡字子壽一名博物曾祖君政韶州別駕因家始興九齡幼聰敏善屬文十

三以書干刺史王方慶賞之曰此子必能致遠

玄宗在東宮舉文藻之士親加策問九齡對策高第遷右拾遺累官中書令

補
劉捷卿在都
宋祁唐書曰劉迅字捷卿知幾第五子也歷京兆功曹參軍事上元

中避地嘗寢疾房太尉聞而憂之通夕不寐顧

語賓從曰捷卿有不諱可謂無復有神理劉昫唐書

曰房瑄字次律河南人平章事融之子少好學風儀沉整性好隱遁與東平呂向於陸渾伊陽

山讀書凡十餘歲玄宗幸蜀拜吏部尚書同平章事宗既立抗疏請自將兵戰敗於陳濤斜

補房太尉言見紫芝眉宇使人名利之心都盡劉昫

唐書曰元德秀字紫芝河南人性純朴無緣飾動師古道父為廷州刺史德秀少孤貧事母以

孝聞開元中遊京師不忍離親每行則自負板輿與母詣長安安母亡廬於墓所食無鹽酪藉無

茵席刺血畫像寫佛經久之以孫如牽於祿仕授邢州南和尉佐治有惠政召補龍武參軍終

令魯山

韋氏孝友文學有承慶嗣立劉昫唐書曰韋承慶字延休嗣立承

賞譽下

世說新語

慶異母弟也父思謙則天朝納言母王氏遇承慶甚辱每有杖罰嗣立必解衣請代母不聽輒

自私杖母察知之漸加邃音樂有萬石劉昫唐書曰萬

石韋從之子有學業而善音律為太常卿增損郊廟燕會樂調時以為稱職達禮儀

則叔夏劉昫儒學傳曰韋叔夏左僕射安石兄也精通三禮官國子祭酒撰五禮要記

史才傳識有述劉昫唐書曰述勒成國史一百十三卷事簡而記詳有良史才

蕭穎士以為譙周陳壽之流述以儒術進當代宗仰而純厚長者澹於勢利聚書二萬卷皆自

校定雖御府不逮也無亡今朝臣圖歷代知名人畫魏晉以來草隸真跡數百卷古碑古器藥

方格式錢譜重譜之類當代名公尺題無不畢備祿山之亂兩京陷賊玄宗幸蜀述抱國史藏

於南山經籍資產焚剽時趙冬曦唐詩紀事曰趙冬曦之州

殆盡述亦陷於賊庭兄弟亦有美名宋祁唐書曰冬

人開元初監察御史坐事流岳州召還復官

補

曦兄夏日爭和璧安貞居張燕公劉昫唐書曰張說字道濟

其先范陽人代居河東後徙洛陽弱冠對策授太子校書預修三教珠英開元中召說及禮官

學士賜宴集賢殿授說嘗語人曰韋趙兄弟人集賢院學士封燕公

之祀梓春秋傳曰晉大夫皆卿材也如杞梓皮革

宋景文云東都事略曰宋祁字子京與兄庠同試禮部奏名第一章獻曰兄弟可先兄

乎乃以庠第一而祁為第十修唐書成拜翰林學士承旨謚景文歐陽公歸田錄曰宋祁兄弟

自布衣時名動左太冲詩振衣千仞岡濯足萬天下時稱二宋

里流左思詠史詩使人飄飄有世表意不減嵇康目

送飛鴻語康送兄秀才入軍詩曰息徒蘭圃秣馬華山流磻平臯垂綸長川目送歸

鴻手揮五絃俯仰自得遊心太玄嘉彼釣叟得魚忘筌郢人逝矣誰可盡言

卷之七 七言 十一

品藻上

汝南陳仲舉潁川李元禮二人共論其功德不

能定先後蔡伯喈評之曰陳仲舉彊於犯上李

元禮嚴於攝下犯上難攝下易張璠漢紀曰時人為之語曰不

畏彊禦陳仲舉天下模楷李元禮仲舉遂在三君之下謝沉漢書曰三

君者一時之所貴也竇武劉淑陳蕃少元禮居

有高操海內尊而稱之故得因以為目元禮居

八俊之上薛瑩漢書曰李膺王暢荀綽朱寓魏朗劉佑杜楷趙典為八俊英雄記曰

先是張儉等相與作衣冠糾彈彈中有相調言

我彈中誠有八俊八及猶言之八元八凱也謝

沉書曰俊者卓出之名也姚信士緯曰陳仲舉

體氣高烈有王臣之貴李元禮忠壯正直有社

稷之能海內論之未央蔡伯喈抑一言以變之疑論乃定也

郭林宗至汝南造袁奉高車不停軌驚不輟軛
詣黃叔度乃彌日信宿人問其故林宗曰叔度
汪汪如萬頃之波澄之不清擾之不濁其器深
廣難測量也

泰別傳曰薛恭祖問之泰曰
高之器譬諸汎濫雖清易挹也

或問汝南許章曰叔慈

皇甫謐高士傳曰荀靖
字叔慈潁川潁陰人父

淑朗陵侯相靖少有俊才動止以禮及卒學士
製謀者二十六人潁陰令丘禎追謚曰玄行先

生慈明孰賢許曰二荀皆玉也慈明外朗叔慈

內潤

顧劭嘗與龐士元宿語問曰聞子名知人吾與
足下孰愈曰陶冶世俗與時浮沉吾不如子

吳志

日劭好樂入倫自州郡廢樂及四方人事往來相見或諷議而去或結友而別風聲流聞遠近

稱論王霸之餘策覽倚伏之要害吾似有一日

之長劭亦安其言

吳錄曰劭安其言更親之

邊文禮才辯俊逸孔北海嘗薦於曹公曰邊讓

為九州之被則不足為單衣襜褕則有餘

范曄後漢

書曰蔡中郎深重議薦於何進曰伏惟幕府初開博選清英華髮舊德並為元龜雖振驚之集

西雍濟濟之在周庭無以或加竊見陳留邊讓天授逸才聰明賢智鬚亂風孤不盡家訓及就

學廬便受大典初涉諸經見本知義授者不能對其問章句不能逮其意心通性達口辯辭長

若處孤疑之論定難審之分經典交至檢括參合眾夫寂焉莫之能奪後讓生在唐虞則元凱

之次運值仲尼則顏冉之亞豈徒俗之凡偶近器而已階級名位亦宜超然若復隨輩而進非

補

所以章環偉之高價昭知人之絕明也傳曰函
牛之鼎以烹雞多汁則淡而不可食少汁則熬
而不熟此言大器之於小用固有所不宜也
邕竊憤邑怪此寶鼎未受犧牛大羹之和久在
煎熬齧割之間願明將軍回謀垂慮裁加少納
貢之機密展之力用若以三年齒為嫌則顏面不
得貫德行之首子奇終無阿
宰之功苟堪其事古今一也

陳元龍使功曹陳季弼詣許謂之曰許下論議
待吾不足足下相為觀察還以見誨季弼還曰
聞遠近之論頗謂明府驕而自矜元龍曰夫閭
門雍穆有德有行吾敬陳元方兄弟淵清玉潔
有禮有法吾敬華子魚清修疾惡有識有義吾
敬趙元達

當即趙達也吳志曰趙達河南人少
從單甫受學用思精密謂東南有王

公紀幼有雋朗才數博學多通龐士元年長於績共為交友仕至壽封太守自知亡日年三十

辛二而

顧劭全琮

環濟吳紀曰琮字子黃吳郡錢塘人有德行義舉為大司馬

而為之目曰陸子所謂駑馬有逸足之用顧子

所謂駑牛可以負重致遠或問如所目陸為勝

邪曰駑馬雖精速能致一人耳駑牛一日行百

里所致豈一人哉吳人無以難全子好聲名似

汝南樊子昭

蔣濟萬機論曰許子將褒貶不平以拔樊子昭而抑許文休劉曄難

曰子昭拔自賈豎年至七十退能守靜進不苟競濟答曰子昭誠自幼至長容貌完潔然觀其

揄齒牙樹頰頰吐唇吻自非文休之敵

張輔吳

吳紀曰張昭字子布彭城人少好學從白侯子安受左氏春秋博覽衆書與瑯

瑯趙昱東海王朗俱發
名友善官輔吳將軍
在孫權坐
吳志曰孫權

既定諸郡以權為陽羨長郡察孝廉行奉義校
尉漢遣劉琬如策錫命琬語人曰吾觀孫氏兄

弟雖各才秀名達然皆祿祚不終唯中弟孝廉
形貌奇偉骨體不恒大貴之表年又最壽江表

傳曰堅為下邳丞時生權方頤大口目有睛光
堅異之以為有貴象及策起事江東權常隨從

性度弘朗仁而多斷好俠養士
每參同計謀策自以為不及
嘗論劉子初編

阮不當拒張飛太甚
三國志曰劉巴字子初零陵丞陽人少知名先主定

益州辟為左將軍西曹掾陳韋嘗與諸葛亮書
問巴消息稱曰劉君子初甚敬重焉零陵先賢

傳曰張飛嘗就巴宿巴不與語疑忿恚亮謂巴
曰張飛雖武人敬慕足下主公方收合文武以

定大事足下雖天素高亮宜少降意巴曰大丈
夫處世當交四海英雄如何與兵子共語備聞

之怒曰孤欲定天下而子初專亂之其欲還北
假道於此豈欲成孤事邪備又曰子初才智絕

品藻上
世說補
十五

入如孤可任用之非孤者難獨任也亮亦曰運籌策於帷幄之中吾不如子初若提抱鼓會軍

門使百姓喜勇當與人議之耳權曰若令子初隨世沉浮容悅

翼德交非其人何足稱高士蜀志曰張飛字翼德涿郡人少與關

羽俱事先主先主為漢王拜右將軍為帳下所殺

王朗每以識度推華歆歆蜡日禮記曰天子大蜡八伊耆氏始

為蜡蜡索也歲十二月合聚萬物而索饗之五經要義曰三代名臘夏曰嘉平殷曰清祀周曰

大蜡總謂之臘晉博士張亮議曰蜡者合聚百物索饗之歲終休老息民也臘者祭宗廟五祀

傳曰臘接也祭則新故交接也秦漢已東臘之明日為祝歲古之遺語也嘗集子姪

燕飲王亦學之有人向張華說此事張曰王之

學華皆是形骸之外去之所以更遠

司馬文王問武陔

虞預晉書曰陔字元夏沛郡竹邑人父周魏光祿大夫陔

及二弟韶茂總角見稱並有器望鄉人諸父未能覺其多少時同郡劉昶名知人嘗造周周見

其三子昶曰皆國士也元夏器量最優有輔佐之風展力仕宦可為亞公叔夏季夏不咸常伯

納言也陔仕至僕射陳玄伯何如其父司空陔曰通雅博

暢能以天下聲教為已任者不如也明練簡至

立功立事過之魏志曰陔與秦善故文王問之

晉武與胡威語次因及其父清德遂問威曰卿

自謂孰與父清威曰威乃何敢望臣父帝又問

卿父以何為勝耶威答曰臣父清常恐人知臣

清常恐人不知晉陽秋曰胡威字伯虎淮南人父質以忠清顯質為荊州威自

京師外資之及告歸質賜威綬一正威跪曰大
人清高於何得此質曰是吾俸祿之餘故以為
汝糧耳威受而去每至客舍自放驢取薪爨
食畢復隨旅進道質帳下都督陰齎糧要之因
與為伴每事相助經營之又進少飯威疑之密
誘問之乃知都督也謝而遣之後以白質質杖
都督一百除其吏名
父子清慎如此○醜

冀州刺史楊淮

世語曰淮字始立弘農華陰人
曾祖龐祖脩有名前世父囂典

軍校尉淮元康末為冀州刺史荀綽冀州記曰
淮見王綱不振遂縱酒不以官事規意道逢卒
歲而已成都王知淮不治猶以其名士惜而不
遣召為軍咨議祭酒府散停家關東諸侯欲以
淮補三事以示懷賢尚德之事
二子喬與髦俱
未施行而卒時年二十有七

總角為成器淮與裴頠樂廣友善遣見之頠性
弘方愛喬之有高韻謂淮曰喬當及卿髦小減

也廣性清淳愛髦之有神檢謂淮曰喬自及卿
然髦尤精出淮笑曰我二兒之優劣乃裴樂之
優劣論者評之以為喬雖高韻而檢不匝樂言
為得然竝為後出之雋荀綽冀州記曰喬字士
彥清平有貴識並為後出之雋為裴願樂廣所
重晉諸公贊曰喬似淮而踈皆為二千石髦為
石勤所害

劉令言始入洛

劉氏譜曰納字令言彭城叢亭人祖瑾樂安長父昶魏洛陽令

納歷司隸校尉

見諸名士而歎曰王夷甫太解明樂彥

輔我所敬張茂先我所不解周弘武巧於用短

王隱晉書曰周恢字弘武汝南人祖斐永寧杜少府父隆州從事恢仕至秦相秩中二千石

品藻上

世說新語

卷二

方叔拙於用長

晉諸公贊曰杜預字方叔襄城鄧陵人杜襲孫也育幼便岐嶷

號神童及長義風姿有才藻時人號曰杜聖累遷國子祭酒洛陽將沒為賊所殺

王平子嘗行經陳留郡界陳留時為大郡名有

人士太守遣吏迎王王問吏曰此郡人士為誰

吏曰有蔡子尼江應元是時郡人多居大位者

王以其姓名問曰甲乙等非君郡人耶何但稱

此二人吏曰向謂君侯問人不謂問官位王笑

而止到郡以語太守曰舊名此邦有風俗果然

小吏亦復知此

晉諸公贊曰蔡充字子尼陳留雍丘人蔡充別傳曰充祖睦蔡

邕孫也充少好學有雅尚體貌尊嚴莫有褻嫚於其前者高平劉璽俊才白衣車服奢麗嘗語

人曰紂教吾常服耳遇蔡子尼在坐而經日不自安見憚如此充歷成都王東曹掾故稱東曹時從事中郎庾子嵩以風韻見重雅敬君德每云當今可以為司徒充民望者江生其人也

王大將軍在西朝時見周侯輒扇障面不得住敦性彊梁自少及長季倫新妓曾無異色後度若斯微恨豈憚於周顗乎其言不然也

江左不能復爾王歎曰不知我進伯仁退

沈約晉書

曰周顗王敦素憚之見輒面熱雖復臘月亦扇面不休其憚如此

衛洗馬天韻標令論者以為出王眉子平子武子之右世人為之語曰諸王三子不如衛家一兒

會稽虞駿

虞光祿傳曰駿字思行會稽餘姚人

不及潭而至行過之歷吏部郎元皇時朱鳳書曰帝

吳興守幾為金紫光祿大夫卒諱肅字景文祖伯封瑯琊王父恭王觀嗣帝襲

爵為瑯琊王父恭王觀嗣帝襲帝位謚法曰始與桓宣武同俠其人有才理勝

望王丞相嘗謂駿曰孔愉有公才而無公望

孔愉

別傳曰愉字敬康會稽山陰人初辟中宗參軍

討華歆有功封餘不亭侯愉少時嘗得一龜放

於餘不溪甲龜中路左顧者數過及後鑄印而

龜左顧更鑄猶如此印師以聞愉悟取而佩焉

累遷尚書左僕射贈車騎將軍丁潭有公望而無公才賢記曰

潭字世康山陰人吳司徒固曾孫也沉婉有雅

敬康丁世康張偉康俱著名時謂會稽三康偉

康名茂嘗夢得大象以問萬雅雅曰君當為大

郡而不善也象大獸也取其音符故為大郡然象以齒喪身後為吳郡果為沈充所殺

之者其在卿乎驥未達而喪虞光祿傳曰驥未登台鼎時論無屈

明帝問周伯仁卿自謂何如郝鑒周曰鑒方臣

知有功夫復問郝郝曰周顗比臣有國士門風

鄧粲晉紀曰伯仁清正巖然以德望稱之

王大將軍下庾公問聞卿有四友何者是答曰

君家中郎我家太尉阿平胡毋彥國八王故事曰胡毋輔

之少有雅俗鑒識與王澄更敦阿平故當最劣

庾曰似未肯劣庾又問何者居其右王曰自有

人又問何者是王曰噫其自有公論左右躡公

公乃止

教自謂右者在己也

入問丞相周侯何如和嶠答曰長輿嵯嶺

虞預晉書

曰嶠厚自封植巍然不羣

世說新語補卷之十

世說新語補卷之十一

品藻下

明帝問謝鯤君自謂何如庾亮答曰端委廟堂使百僚準則臣不如亮一丘一壑自謂過之晉陽

秋曰鯤隨王敦下入朝見太子於東宮語及夕太子從容問鯤曰論者以君方庾亮自謂孰愈對曰宗廟之美百官之富臣不如亮縱意丘壑自謂過之鄧粲晉紀曰鯤與王澄之徒慕竹林諸人散著披髮裸袒箕踞謂之八達故隣家之女折其兩齒世為謠曰任達不已切輿折齒鯤有勝情遠槩為朝廷之望故時以庾亮方焉

世論溫太真是過江第二流之高者時名輩共說人物第一將盡之間溫常失色溫氏譜序曰晉大夫郤至

封於溫子孫因氏居太原祁縣為郡著姓

支道林目會稽王有遠體而無遠神

簡文初封會稽王

或問江左諸人優劣顏光祿曰周伯仁之正鄧伯道之清卞望之之節餘則吾不知

王丞相辟王藍田為掾庾公問丞相藍田何似

王曰真獨簡貴不減父祖然曠澹處故當不如

爾

以懷祖猶隘故也

或問林公司州何如二謝林公曰故當攀安提

萬

王胡之別傳曰胡之好談諧善屬文辭為當世所重

孫興公許玄度皆一時名流或重許高情則鄙

孫穢行或愛孫才藻而無取於許

宋明帝文章志曰綽博涉

經史長於屬文與許詢俱典負俗之談詢卒不降志而綽嬰綸世務焉續晉陽秋曰綽雖有文才而誕縱多穢行時人鄙之

王孝伯道謝公濃至又曰長史虛劉尹秀謝公

融

謂條暢也

王孝伯問謝公林公何如右軍謝曰右軍勝林

公林公在司州前亦貴徹

不言若義之而言勝胡之

庾道季云思理倫和吾愧康伯志力彊正吾愧

文度自此以還吾皆百之

世目殷中軍思緯淹通比羊叔子

羊祜德高一世才經夷險

淵源蒸燭之曜豈
喻日月之明也

卞望之云郝公體中有三反方於事上好下倭
已一反治身清貞大脩計校二反自好讀書憎

人學問三反

按

太尉劉寔論王甯方於事上好
倭已性嗜榮貴不求苟合治身

不穢尤惜財物王
郝志性儻亦同乎

王丞相云見謝仁祖恒令人得上與何次道語

唯舉手指地曰正自爾馨

前篇及諸書皆云王
公重何充謂必代已

相而此章以手指地意如輕詆
或清言析理何不逮謝故邪

郝司空家有傖奴知及文章事事有意王右軍

向劉尹稱之劉問何如方回

郝惛別傳曰惛字
方回高平金鄉人

太宰鑒長子也淵靖純素無執無競簡私暱罕交游歷會稽內史侍中司徒王曰此

正小人有意向耳何得便比方回劉曰若不如方回故是常奴耳

時人道阮思曠骨氣不及右軍簡秀不如真長韶潤不如仲祖思致不如淵源而兼有諸人之

美

中興書曰裕以人不須廣學正應以禮讓為先故終日頽然無所修綜而物自宗之

簡文云何平叔巧累於理嵇叔夜儁傷其道本理

真率巧則乖其致道唯虛澹傷則違其宗所以二子不免也

撫軍問殷浩卿何如裴逸民良久答曰故當勝耳

桓公少與殷侯齊名常有競心桓問殷卿何如
我殷云我與我周旋久寧作我

撫軍問孫興公劉真長何如曰清蔚簡令王仲

祖何如曰溫潤恬和

徐廣晉紀曰凡稱風流者皆舉王劉為宗焉

桓

溫何如曰高爽邁出謝仁祖何如曰清易令達
阮思曠何如曰弘潤通長袁羊何如曰泚泚清
便殷洪遠何如曰遠有致思卿自謂何如曰下
官才能所經悉不如諸賢至於斟酌時宜籠罩
當世亦多所不及然以不才時復託懷玄勝遠
詠老莊蕭條高寄不與時務經懷自謂此心無

所與讓也

桓大司馬下都問真長曰聞會稽王語奇進爾

邪

桓溫別傳曰興寧九年以溫克復舊京甯靜華夏進都督中外諸軍事侍中大司馬加黃

鉞使入朝政劉曰極進然故是第二流中人耳桓曰

第一流復是誰劉曰正是我輩耳

殷侯既廢桓公語諸人曰少時與淵源共騎竹

馬我棄去已輒取之故當出我下

續晉陽秋曰簡文輔政引

殷浩為楊州欲以抗桓桓素輕浩未之憚也

人問撫軍殷浩談竟何如答曰不能勝人差可

獻酬羣心

品藻下

士族

簡文云謝安南清令不如其弟

謝氏譜曰奉弟聘字弘達歷侍

中廷卿學義不及孔巖

中興書曰巖字彭祖會稽山陰人父儉黃門侍郎巖

有才學歷丹陽尹尚書西陽侯在朝多所匡正為吳興太守大得民和後卒于家

居然

自勝

言奉任天真也

劉丹陽王長史在瓦官寺集桓護軍亦在坐

晉續

陽秋曰桓伊字處夏譙國鉅人父景護軍將軍伊少有才藝又善聲律加以標悟省率為王濛

劉惔所知累遷豫州刺史贈右將軍共商略西朝及江左人物或

問杜弘治何如衛虎桓答曰弘治膚清衛虎奕

奕神令王劉善其言

虎衛玠小字玠別傳曰永和劉真長謝仁祖共商

略中朝人或問杜弘治可方衛洗馬不謝曰安得比其間可容數人江左名士傳曰劉真長曰

吾請評之弘治庸清叔
寶神清論者謂為知言

劉尹撫王長史背曰阿奴比丞相但有都長

奴阿

濠小字也都美也司馬相如傳曰閑雅甚都語
林曰劉真長與丞相不相得每曰阿奴比丞相
條達
清長

劉尹王長史同坐長史酒酣起舞劉尹曰阿奴

今日不復減向子期

類秀之任率也

桓公問孔西陽安石何如仲文

西陽即
叢也

孔思未

對反問公曰何如答曰安石居然不可陵踐其

處故乃勝也

謝公與時賢共賞說過

玄小

胡兒竝在坐公問

李弘度曰卿家平陽何如樂令

晉諸公贊曰李重字茂曾江夏

鍾武人少以清尚見稱歷吏部郎平陽太守

於是李潛然流涕曰趙

王篡逆樂令親授璽綬

晉陽秋曰趙王倫篡位樂廣與滿奮崔隨進重

綬亡伯雅正耻處亂朝遂至仰藥恐難以相比

此自顯於事實非私親之言

晉諸公贊曰趙王為相國取重為左

司馬重以倫將篡辭疾不就敦喻之重不復自治至於篤甚扶曳受拜數日卒時人惜之贈散

侍騎常謝公語胡兒曰有識者果不異人意

王脩齡問王長史我家臨川何如卿家宛陵長

史未答脩齡曰臨川譽貴長史曰宛陵未為不

貴

中興書曰羲之自會稽王友改授臨川太守王述從驃騎功曹出為宛陵令述之為宛陵

多脩為家之具初有勞苦之聲丞相王導使人喻之曰名父之子屈臨小縣甚不宜爾述答曰足自當止時人未之達也後屢臨州郡無所造作世始嘆服之

劉尹至王長史許清言時荀子年十三倚牀邊

聽既去問父曰劉尹語何如尊長史曰韶音令

辭不如我往輒破的勝我

劉惔別傳曰惔有弟才其談詠虛勝

所歸王濛略同而致過之其詞當也

有人問謝安石王坦之優劣於桓公桓公停欲

言中悔曰卿喜傳人語不能復語卿

王右軍問許玄度卿自言何如安石許未答王

因曰安石故相為雄阿萬當裂眼爭邪

中興書曰萬器

量不及安石雖居藩任安在
私門之時名稱居萬上也

王僧恩輕林公藍田曰勿學汝兄汝兄自不如

伊

僧恩王禕之小字也王氏世家曰禕之字文
劭述次子少知名尚尋陽公主仕至中書郎

未三十而卒坦之悼念與
桓溫稱之贈散騎常侍

簡文問孫興公袁羊何似答曰不知者不負其

才知之者無取其體

言其有才
而無德也

蔡叔子云韓康伯雖無骨幹然亦膚立

郝嘉賓問謝太傅曰林公談何如嵇公謝云嵇

公勤著脚裁可得去耳

支遁傳曰通神悟機發
風期斯得自然超邁也

又問殷何如支謝曰正爾有超拔支乃過殷然

亶亶論辯恐口欲制支

庾道季云廉頗藺相如雖千載上死人慄慄恒

如有生氣

史記曰廉頗者趙良將也趙惠文王時諸侯藺相如者趙人也

得楚和氏璧秦昭王請以十五城易之趙遣相如送璧秦受之無還城意相如請璧示其瑕因

持璧卻立倚柱怒髮上衝冠曰王欲急臣臣頭今與璧俱碎秦王謝之後秦王使趙王鼓瑟相

如請秦王擊筑趙以相如後秦王使趙王鼓瑟相功大拜上卿位在廉頗上曹餘也曹氏譜曰茂

之字永世彭城人也祖韶鎮東將軍李志晉百司馬父曼少府卿茂之仕至尚書郎

日志字溫祖江夏鍾武人李氏譜曰志祖重散騎常侍父慕純陽令志仕至負外常侍南康相

雖見在厭厭如九泉下人人皆如此便可結繩

而治但恐狐狸獠獠敢盡

言人皆如曹李質魯淳懿則天下無姦民

可結繩致治然才智無聞功迹俱滅身盡於狐狸無擅世之名也

謝遏諸人共道竹林優劣謝公云先輩初不滅

貶七賢魏氏春秋曰山濤通簡有德秀威戎伶朗達有雋才於時之談必阮為首王戎

次之山向之徒皆其倫也若如盛言則非無藏貶此言謬也

謝太傅謂王孝伯劉尹亦奇自知然不言勝長

史

王黃門兄弟三人俱詣謝公子猷子重多說俗

事王氏譜曰操之字子重義之第六子敬寒溫子歷秘書監侍中尚書豫章太守

而已既出坐客問謝公向三賢孰愈謝公曰小

者最勝客曰何以知之謝公曰吉人之辭寡茂

謝公問王子敬君書何如君家尊答曰固當不

同公曰外人論殊不爾王曰外人那得知宋文帝

章志曰獻之善隸書變右軍法為今體字畫秀媚妙絕時倫與父俱得名其章草疎弱殊不及

父或訊獻之云羲之書勝不莫能判有問羲之云世論卿書不逮獻之答曰殊不爾也它日見

獻之問尊君書何如獻之不答又問論者云若固當不如獻之笑而答曰人那得知之也

王孝伯問謝太傅林公何如長史太傅曰長史

韶興問何如劉尹謝曰噫劉尹秀王曰若如公

言竝不如此二人邪謝云身意正爾也

人有問太傅子敬可是先輩誰比謝曰阿敬近

操王劉之標續晉陽秋曰獻之文義並非所長而能撮其勝會故擅名一時為風

流之冠也

王子猷子敬兄弟共賞高士傳人及贊子敬賞

井丹高潔子猷云未若長卿慢世日猷康高士傳

扶風郤人博學高論京師為之語曰五經紛綸井大春未嘗書刺謁一人北宮五王更請莫能

致新陽侯陰就使人要之不得已而行侯設麥飯菜以觀其意丹推却曰以君侯能供美膳

故來相過何謂如此乃出盛饌侯起左右進輦丹笑曰聞桀紂駕人車此所謂入車者邪侯即

去輦越騎梁松貴震朝廷請交丹丹不肯見後丹得時疾松自將醫視之病愈久之松失大男

磊丹一往吊之時賓客滿庭丹裹褐不完入門坐者皆悚望其顏色丹四向長揖前與松語客

主禮畢後長揖徑坐莫得與語不肯為吏徑出後遂隱遁其資曰井丹高潔不慕榮貴抗節五

陵王不交非類顯譏輦車左右失氣披褐長揖義陵羣萃司馬相如初為郎事景帝梁孝王來朝

從遊說士鄒陽等相如說之因病免遊梁後過臨邛富人卓王孫女文君新寡好音相如以琴心挑之文君當壚相如著犢鼻褌滌器市中為人酒舍文君當壚相如著犢鼻褌滌器市中為人

口吃善屬文仕宦不慕高爵常託疾不與公卿

大事終于家其貧曰長卿慢世越禮自放犢鼻

居市不恥其狀託疾避官茂此卿相乃賦大人超然莫尚

有人問袁侍中袁氏譜曰恪之字元祖陳郡陽夏人祖王孫司徒從事中郎父

綸臨汝令恪之仕黃門侍郎義熙初為侍中曰殷仲堪何如韓康伯

答曰理義所得優劣乃復未辨然門庭蕭寂居

然有名士風流殷不及韓故殷作誄云荆門晝

掩閑庭晏然王子敬問謝公嘉賓何如道季答曰道季誠復

補

鈔撮清悟嘉賓故自上

謂超拔也

中朝人共論少正卯

孔子家語曰孔子為魯司寇七日而誅亂政大夫少

正卯戮之于兩觀之下尸于朝三日子貢進曰夫少正卯魯之聞人也今夫子為政而始誅之

或者為失乎孔子曰居吾語汝以其故天下有大惡者五而竊盜不與焉一曰心逆而險二曰

行僻而堅三曰言偽而辯四曰記醜而博五曰順非而澤此五者有一于人則不免君子之誅

而少正卯皆兼有之其居處足以聚徒成黨其談說足以飾褒榮眾其強禦足以反是獨立此

乃人之姦雄者盜跖名曰盜跖盜跖徒卒九千也

人橫行天下侵暴諸侯穴室樞戶驅人牛馬取人婦女貪得忘親不顧父母兄弟爭不祭先祖所

過之邑大國守城小國入保萬民苦之孔子往說之盜跖乃方休卒徒泰山之陽膾炙人口而舖

之孔子前見謂者盜跖大怒曰如明星髮上指冠曰子之罪大極重疾走歸不然將以子肝益

畫舖之膳其惡孰深有人云少正卯雖姦不至剖人

充膳盜跖為甚顏光祿曰為惡彰露入思加戮
隱伏之姦非聖不誅由此言之少正卯為甚衆
莫能屈

司馬太傅問謝車騎惠子其書五車何以無一

言入玄謝曰故當是其妙處不傳莊子曰惠施多方其言五

車其道舛駁其言不中謂卯有毛鷄三足馬有卯大可為羊火不熟目不見龜長於蛇丁子有尾白狗黑連環可解能勝人之口不能服人之心蓋辯者之囿也

王孝伯在京行散至其弟王睹戶前睹王爽小字也問

古詩中何句為最睹思未答孝伯詠所遇無故

物焉得不速老此句為佳

王珣疾臨困問王武岡曰

中興書曰謚字雅遠丞相導孫車騎劭子

有才器襲爵武岡侯位至司徒世論以我家領軍比誰武岡曰

世以比王北中郎東亭轉卧向壁嘆曰人固不

可以無年

領軍王洽珣之父也年二十六卒珣意以其父名德過坦之而無年故致

此論

桓玄問劉太常曰我何如謝太傅

劉瑾集敘曰瑾字仲璋南

陽人祖遷父暢暢娶王羲之女生瑾瑾有才力歷尚書太常卿劉答曰公高太

傅深又曰何如賢舅子敬答曰橐梨橘柚各有

其美

莊子曰橐梨橘柚其味相反皆可聚口也

舊以桓謙比殷仲文

晉安帝紀曰仲文有器貌才思

桓玄時仲

文入桓於庭中望見之謂同坐曰我家中軍那

得及此也

王季琰與兄元琳並有美稱季琰又出元琳右

時人為之語曰法護非不佳

法護珣小字

僧彌難為

兄

僧彌珣小字

補

齊太祖竒愛張思光特與款接笑曰此人不可

無一不可有二

南史曰融風止詭趣坐常危膝行則曳步翹身仰首見者驚異

補

齊神武言崔陵應作令僕恨其神明太道

魏書曰陵

字長孺清河東武城人狀貌偉麗善於容止歷覽羣書無有詞藻自中興迄於孝武詔令皆陵

所為仕至東
兗州刺史

補

霍王元軌

唐書曰元軌唐高祖第十四子也始封吳王少多才藝太宗嘗問羣臣朕

子牙中孰賢魏徵曰唯吳王數與臣言未嘗不自失上前代誰比徵曰經學文雅漢之間平

也改封

臨徐州與處士劉玄平為布衣之交或

問玄平王之所長玄平答以無長人問其故玄

平曰夫人有短所以見長

中宗正月晦日幸昆明池

西京雜記曰武帝作昆明池欲伐昆吾

教習水戰因而于上遊戲池周迴四賦詩羣臣

應制百餘篇帳殿前結綵樓命上官昭容

唐詩紀事

曰昭容名婉兒西臺侍郎儀之孫父廷芝死母

鄭方姓夢巨人界大秤曰持此秤量天下昭容

生踰月母戲曰秤量者豈爾耶輒啞然應後內
秉機政符其夢云自通天來內掌詔命中宗立
進昭容帝引名儒賜宴賦詩婉兒常代帝及后
長寧安樂二公主衆篇並作采麗益新又差第
羣臣所賦賜金爵朝廷靡然成風當時屬辭大
抵浮靡然皆可觀昭容力也韋后之敗斬閣下
選一首為新翻御製曲紙落如飛從臣各認其
名而懷之唯沈宋二詩不下唐詩紀事曰宋之
問字延清汾州人
與沈佺期劉允濟媚附易之及敗貶隴州參軍
迷歸景龍中諸事太平公主後安樂公主權盛
復往諧結中宗將用為中書舍人太平發其賊
遷越州長史賦詩流傳京師睿宗立以捨險盈
惡流欽州賜死沈佺期字雲卿相州人除給事
中考功郎受賊劾未究會張易之敗長流驩州
稍遷台州錄事參軍入計召見拜修文直學士
侍宴為弄辭悅帝賜牙緋尋為太子詹事唐書
曰佺期善屬文尤長七言又移時一紙飛墜乃
與宋之問齊名時稱沈宋

沈詩也昭容評曰二詩工力悉敵沈落句微臣

雕朽質羞觀豫章材蓋辭氣已竭宋猶陡健舉

沈詩曰法駕乘春轉神池象漢迴雙星遺舊石

孤月殘夜戰蓋逢時去思魚望幸來山花緹

騎遠堤柳慢城開思逸橫汾唱歌流宴鎬杯微

臣雕朽質羞觀豫章材宋詩曰春豫靈池會滄

波帳殿開舟凌石鯨度槎拂斗牛迴節晦莫全

落春遲柳暗催象溟看浴景燒劫辨沉灰鎬飲

周文樂汾歌漢武林不愁明月盡自有夜珠來

宋世嘗目莊周為道家之儀秦王通孔門之王

補

莽高似孫子果曰道德三千言辭繁旨謚澹然

潛若老於玄者而泓淨蕭瑟乃欲超遙於老氏

之表是以其說意一空一壺倜儻峻拔無一毫蹈

襲公仍之陋極天之荒窮人之偽放肆迤演如

長江長河滾滾注之荒濫乎天下又如萬籟怒

號狂瀕海涵湧聲沉影滅不可控搏率以荒恠詭
誕肆虛眇不近人情之說瞽亂而自呼至於
法度森嚴文辭雋健自作環新亦一代之奇才
乎戰國多奇士荀卿之學有忘斯世者也魯連
之辯獨善其身者也寓言一書非深乎道者未
易造此顧獨以滑稽發之士至於無所用其才
而猶區區於矯拂世俗之弊者不亦愒愒乎方
是時天下大壞蕩不可支攘奪爭凌斬然一律
其意思有以激之固之矯之夷之肆意無忌以
放乎辭矯世之私曾不一二而亂天下之過特
不可免於中若其言托孔子以自致其過者二
十有九章又言堯禹文王太公之事皆非詩書
所見而竊快其無稽之論狎聖侮道茲亦甚矣
杜淹撰文中子世家曰文中子王氏諱通字仲
淹六代祖玄則為宋弘儒江左號王先生受其
道者曰王先生業文中子之父銅川府君諱隆
傳先生之業教授門人千餘開皇四年文中子
生府君筮之遇坤之師曰素王之卦也何為而
來地二化為天一上德而居下位能以衆正可
以王矣雖有君德非其時乎是子必能通天下
品藻下

之志名之曰通既冠慨然有濟蒼生之心見隋
文帝奏太平十二策不用作東征之歌而歸後
再徵不至謂所親曰我高祖始家於河汾有墳
壠於茲四代矣有版廬在茅簷土階埽如也道
之不行欲安之乎退志其道而巳乃續詩書正
禮樂脩元經讚易道九年而六經大就門人自
遠而至咸北面受王佐之道焉大業十三年有
疾謂門人曰吾夢顏回稱孔子之命曰歸休乎
殆夫子召我也寢疾七日而終門人謚曰文中
子悉次其書還於王氏禮論二十五篇樂論二
十篇續書一百五十篇續詩三百六十篇元經
五十篇續易七十篇共列為八十卷朱熹論曰
仲淹生乎百世之下讀古聖賢之書而粗識其
用然未嘗深探其本而盡力於其實不勝其好
名欲速之心汲汲乎以著書立言為已任及其
無以自託乃捃拾兩漢以來文字言語之陋功
名事業之卑而求其天資之偶合與其近似者
依倣六經次第采輯因以牽挽其人強而躋之
五帝三王之列令考之中說而得其規模之大
略則彼之資易是豈足以知先天後天之相為

體用而高文武皇之制是豈有精一執中之傳
曹劉顏謝之詩是豈有物則乘彝之訓叔孫通
公孫述曹褒荀勗之禮樂又孰與伯夷后夔周
公之懿至於宋魏以來一南一北校功度德蓋
未有以相君臣也則其天命人心之向背統緒
繼承之偏正亦何足論而欲攘臂其間奪彼予
此以自列於孔子之春秋哉蓋既不自知其學
之不足以為周孔不知兩漢之不足為三王而
獨以是區區者比而效之於形似影響之間傲
然自謂足以承千聖而紹百王矣而不知其適
以是而自納於吳楚僭王之誅使夫後世知道
之君子雖或有取於其言而終不能無恨於此

規箴上

補嚴子陵

范曄後漢書曰嚴光字子陵會稽餘姚人少有高名與光武同遊學及光武即位

位變姓名隱身不見帝令以物色訪之齊國上言有一男子披羊裘釣澤中帝疑是光安車聘之再三反而後與侯司徒書曰君房足下位至鼎

規箴上

世說新語

一

四

足甚善懷仁轉義天下悅阿諛順旨腰領絕侯

得書封奏之帝笑曰此狂奴故態皇甫謐高士傳曰霸與光

素舊使西曹屬侯子道奉書光不起於林上箕踞抱膝發書讀訖問子道曰君房素癡今為三

公寧少差否子道曰位已鼎足不癡也光曰道卿來何言子道傳霸言光曰卿言不癡是非癡

語也天子微我三乃來人主尚不見當見人臣乎子道求報光曰我手不能書乃口授之使者

嫌少可更足光曰買菜乎求益也

京房與漢元帝共論因問帝幽厲之君何以亡

所任何人答曰其任人不忠房曰知不忠而任

之何耶曰亡國之君各賢其臣豈知不忠而任

之房稽首曰將恐今之視古亦猶後之視今也

漢書曰京房字君明東郡頓丘人尤好鍾律知音聲以孝廉為郎是時中書令石顯專權及夜入五鹿充宗為尚書令與房同經議論相是非而此二人用事房嘗宴見問上曰幽厲之君何以亡所任何人上曰君亦不明而臣巧佞房曰知其巧佞而任之耶將以為賢耶上曰賢之房曰然則今何以知其不賢上曰以其時亂而君危知幽厲何曰是任賢而理任不肖而亂自然之道也幽厲何不覺悟而蚤納賢何為卒任不肖以至亡於是上曰亂亡之君各賢其臣今皆覺悟安得亂亡之君房曰齊桓二世何不以幽厲疑之而任豎刁趙高政治日亂耶上曰唯有道者能以往知來耳房曰自陛下即位盜賊不禁刑入滿市云云問上曰今治也亂也上曰然愈於彼房曰前二君皆然臣恐後之視今猶今之視前也上曰今為亂者誰房曰上所親與圖事帷幄中者房指謂石顯及充宗顯等乃建言宜試房以郡守遂以房為東郡顯發其私事坐棄市

高義方造馬季長辭不見義方覆刺為書曰伏

聞高問為日已久冀一見龍光

小雅曰既見君為龍為光

叙腹心之願不圖辭之以疾昔周公父兄文武

九命作相以尹華夏猶握沐吐食以接白屋之

士天下歸德

史記曰伯禽就封周公戒之曰我文王之子武王之弟成王之叔父

我於天下亦不賤矣然我一沐三握髮一飯三吐哺起以待士猶恐失天下之賢人子之魯慎

無以國驕人

歷載邈矣今君不能相見宜哉季長大

愧追請徑去

漢雜事曰高麗字義方吳郡人志尚甚高遊太學博覽經史善屬文

魏文為五官將時臨淄侯才名甚盛幾有奪嫡

之議

三國志曰陳思王植建安十九年從封臨淄侯植既以才見異而丁儀丁廙楊脩等

為之羽翼幾為太子而植任性不自彫勵文帝御之以術宮人左右並為之說故定為嗣曹

公一日諮於賈詡

魏略曰詡字文和武威姑臧人少時入莫知唯漢陽閭忠

異之謂有良平之奇太祖領冀州牧以為太中大夫是時文帝為五官將而臨淄侯才名方盛

各有黨與有奪宗之議文帝使人問詡自固之術詡曰願將軍恢崇德履躬素士之業朝夕孜

孜不遑子道如此而已詡默然不對曹公問不對何也詡

曰屬有所思問何思答曰思袁本初劉景升父

子也於是太子遂定

魏志曰紹愛少子尚欲以

辛評郭圖等爭權配紀興尚比評圖與譚比紹

辛配等奉尚代紹位譚至不得立由是譚尚有

隙太祖軍至西平譚尚舉兵相攻皆敗走劉表

及妻愛少子琮欲以為後而蔡瑁張允為之支

黨乃出長子琦為

嗣琦與琮遂為讎隙至於傾覆

現箴上

廿九

有

一

六

補

蜀先主嘗因旱儉禁酒刑吏於人家檢得釀具

欲令與釀酒者同罰時簡雍從先主遊見一男

子行道謂先主曰彼人欲行淫何以不縛先主

曰卿何以知之雍曰彼有淫具與欲釀同先主

大笑命原欲釀者

蜀志曰簡雍字憲和涿郡人少與先主有舊隨從周旋先

主至荆州與糜竺孫乾同為從事中郎常為談客往來使命後拜昭德將軍優游諷議性簡傲

跌宕在先生坐猶箕踞傾倚適諸葛亮已下則獨擅一榻頂枕卧語無所為屈

孫休好射雉至其時則晨去夕反羣臣莫不止

諫此為小物何足甚耽休曰雖為小物耿介過

人朕所以好之

環濟吳紀曰休字子烈吳大帝第六子初封琅琊王夢乘龍上

天顧不見尾孫琳廢少主迎休立之銳意典籍
欲畢覽百家之事頗好射雉至春晨出莫反唯
此時舍書崩謚景皇帝條列吳事曰
休在位烝烝無有遺事唯射雉可譏

孫皓

皓別見

問丞相陸凱曰卿一宗在朝有幾人

陸曰二相五侯將軍十餘人皓曰盛哉陸曰君

賢臣忠國之盛也父慈子孝家之盛也今政荒

民弊覆亡是懼臣何敢言盛

吳錄曰凱字敬風人丞相遜族子

忠鯁有大節篤志好學初為建忠校尉雖有軍
事手不釋卷累遷左丞相時後主暴虐凱正直

彊諫以其宗族彊
盛不敢加誅也

何晏鄧颺令管輅作卦云不知位至三公不卦

成輅稱引古義深以戒之颺曰此老生之常談

輅別傳曰輅至洛陽何尚書問易中九事皆明
因謂輅曰聞君非徒善論易至於分著思爻亦
為神妙試為作一卦知位當至三公不又項夢
青蠅數十來鼻頭上驅之不去有何意故輅曰
鵠鴉天下賤鳥也及其在祿食桑椹則懷我好
音况輅心過草木注情葵藿敢不盡忠唯察之
爾昔元凱之相重華宣慈惠和仁義之至也周
公之翼成王坐以待旦敬慎之至也故能流光
六合萬國咸寧然後據鼎足而登金鉉調陰陽
而濟兆民此履道之休應非卜筮之所明也今
君侯位重山嶽勢若雷霆望雲赴景萬里馳風
而懷德者少畏威者眾殆非小心翼翼多福之
士又鼻者艮也此天中之山高而不危所以長
守貴也今青蠅臭惡之物而集之焉位峻者顛
輕豪者亡必至之分也夫變化雖相生極則有
害虛滿雖相受溢則有竭聖人見陰陽之性明
存亡之理損益以為衰抑進以為退是故山在
地中曰謙雷在天上曰大壯謙則裒多益寡大
壯則非禮不履伏願君侯上尋文王六爻之吉
下思尼父彖象之義則三公可決青蠅可驅鄧

曰此老生之長談輅曰夫老生晏曰知幾其神

乎古人以為難交踈吐誠今人以為難今君一

面盡二難之道可謂明德惟馨詩不云乎中心

藏之何日忘之名士傳曰是時曹爽輔政識者慮有危機晏有重名與魏姁戚

內雖懷憂而無復退也著五言詩以言志曰鴻鵠比翼遊羣飛戲太清常畏大網羅憂禍一旦

并豈若集五湖從流啜浮萍永寧曠中懷何為狀惕驚蓋因輅言懼而賦詩

嵇康遊於汲郡山中遇道士孫登遂與之遊康

臨去登曰君才則高矣保身之道不足康集序曰孫登

者不知何許人無家於汲郡北山土窟住夏則編草為裳冬則被髮自覆好讀易鼓一弦琴見

者皆親樂之魏氏春秋曰登性無喜怒或沒諸水出而觀之登復大笑時時出入人間所經家

設衣食者一無所辭去皆舍去文士傳曰嘉平
中汲縣民共入山中見一人所居懸巖百仞叢
林鬱茂而神明甚察自云孫姓登名字公和康
聞乃從遊三年問其所圖終不答然神謀所存
良妙康每蕭然嘆息將別謂曰先生竟無言乎
登乃曰子識火乎生而有光而不用其光果然
在於用光人生有才而不用其才果然在於用
才故用光在乎得薪所以保其耀用才在乎識
物所以全其年今子才多識寡難乎免於今之
世矣子無多求康不能用及遭呂安事在獄為
詩自責云昔慚下惠今愧孫登王隱晉書曰孫
登即阮籍所見者也嵇康執事子禮而師焉魏
晉去就易生嫌疑貴
賤並沒故登或默也

晉武帝既不悟太子之愚必有傳後意諸名臣
亦多獻直言帝嘗在凌雲臺上坐衛瓘在側欲
申其懷因如醉跪帝前以手撫林曰此坐可惜

帝悟因笑曰公醉耶

晉陽秋曰初惠帝之為太子咸謂不能親政事衛瓘

每欲陳啓廢之而未敢也後因會醉遂跪牀前

日臣欲有所啓帝曰公所欲言者何邪瓘欲言

而復止者三因以手撫牀曰此坐可惜帝意乃

悟因謬曰公真大醉也帝後悉召東宮官屬大

會令左右齎尚書處事以示太子令處決太子

不知所對賈妃以問外人代太子對多引古詞

義給使張泓曰太子不學陛下所知宜以見事

斷不宜引書也妃從之泓具草奏令太子書呈

帝大說以示瓘於是賈充語妃曰衛瓘

先奴藥敗汝家妃由是怨瓘後遂誅之

王夷甫婦郭泰寧女

晉諸公贊曰郭豫字泰寧太原人仕至相國叅軍知

名早才拙而性剛聚斂無厭干豫人事夷甫患

之而不能禁時其鄉人幽州刺史李陽京都大

俠

晉百官名曰陽字景祖高尚人武帝時為幽州刺史語林曰陽性遊俠盛暑一日詣數百

家別賓客與別常填門
送死於几下故懼之
君卿齊人學經傳甚得名譽毋死
送葬車三千兩仕至天水太守
甫驤諫之乃曰非但我言卿不可李陽亦謂卿
不可郭氏小為之損
王夷甫雅尚玄遠常嫉其婦貪濁口未嘗言錢
字晉陽秋曰夷甫善施舍父時有假貸者皆與
焚券未嘗謀貸利之事王隱晉書曰夷甫求
富貴得富貴資財山積用不能消安
須問錢而世以不問為高不亦惑乎婦欲試之
令婢以錢遶牀不得行夷甫晨起見錢闔行呼
婢曰舉卻阿覩物
石季倫嘗與長水校尉孫季舒酣宴孫慢傲過

度季倫欲表免之裴叔則聞而謂之曰季舒酒
狂四海所知足下飲人狂藥責人正禮不亦乖
乎王隱晉書曰石崇字季倫石苞子生於青州故小名齊奴為荊州刺史劫奪殺人以致巨富後為趙王倫所殺

元帝過江猶好酒王茂弘與帝有舊常流涕諫

帝許之命酌酒一酣從是遂斷鄧粲晉紀曰上

時務性素好酒將渡江王導深以諫帝乃令左右進觴飲而覆之自是遂不復飲克己後禮官

修其方而中興之業隆焉

謝鯤為豫章太守從大將軍下至石頭敦謂鯤
曰余不得復為盛德之事矣鯤曰何為其然但

使自今已後日亡去耳

鯢別傳曰鯢之諷敦切雅正皆此類也

又稱疾不朝鯢諭敦曰近者明公之舉雖欲大存社稷然四海之內實懷未達若能朝天子使羣臣釋然萬物之心於是乃服仗民望以從衆懷盡冲退以奉主上如斯則勲侔一匡名垂千載時人以為名言

晉陽秋曰鯢為豫章太守王敦將肆逆以鯢有時望逼與

俱行既克京邑將旋武昌鯢曰不就朝鯢懼天下私議也敦曰君能保無變乎對曰鯢近日入觀主上側席遲得見公官自穆然必無不虞之慮公若入朝鯢請侍從敦心正復殺君等數百何損於時遂不朝而去

陸玩拜司空

玩別傳曰是時王導郗鑒庾亮相繼薨殂朝野憂懼以玩德望乃拜

司空玩辭議不獲乃嘆息謂朋友曰以我
為三公是天下無人矣時人以為知言有人
詣之索美酒得便自起瀉箸梁柱間地祝曰當
今乏才以爾為柱石之用莫傾人棟梁玩笑曰
戢卿良箴

王右軍與王敬仁許玄度並善二人亡後右軍
為論議更克孔巖誠之曰明府昔與王許周旋
有情及逝沒之後無慎終之好民所不取右軍
甚愧

補

謝萬就太傅乞裘自云畏寒太傅答曰君妄語
正欲以為豪具耳若畏寒無復勝綿者乃以三

十斤綿與萬

世說新語補卷之十一

二十一



世說新語補卷之十一

